



## Bases deth 1èr Concors de TicTòc 2025

### 1. Objectius:

- Promòir er usatge der aranés entre era joenessa e hè'c entre es joeni e joenes que creen contengut enes hilats socials e ac vòlen hèr ena nòsta lengua.
- Estimular era sua creativitat e eth sòn talent.
- Conéisher eth sòn punt d'enguarda sus tèmes dera societat aranesa actua e promòir era reflexion.

### 2. Participacion:

Era participacion ei dubèrta as personas qu'agen mès de 14 ans.

- **Categoria A:** entà joeni de 14 a 18 ans.
- **Categoria B:** a compdar de 19 ans.

En cada categoria i pòt auer iniciatives individuaus e collectives.

### 3. Tematica proposada: *Parlam aranés tostemp?*

### 4. Inscripcion:

Es persones interessades, s'auràn d'inscrúer enviant un mail damb eth video a: [lengua@aran.org](mailto:lengua@aran.org) indicant "Concors TicTòc Airau de Lengua deth Conselh Generau d'Aran" e proporcionant es següentes dades: **nòm, cognòms, edat, forma de contacte e nòm d'usatgèr en TikTok.**

Data limit de presentacion : **25 d'abriu de 2025**

Es persones menors d'edat que i participen an d'adjúnher era autorizacion deth pair, mair o tutor/a legau e tanben eth formulari dera cession des drets d'imatge descargable ena web [aran.es.conselharan.org](http://aran.es.conselharan.org)

### 5. Requisits deth concors:

- Proposam era creacion de videos a trauès dera plataforma TikTok, d'estil liure, ath torn dera tematica prepausada.
- S'admet un video per persona o grop damb eth limit de temps establít pera plataforma TikTok.
- Es videos an d'èster originaus, inedit e pròpris, e non se pòden publicar enes hilats socials ne hèr-se publics de cap auta forma abans deth veredicte deth Jurat.
- Cau qu'es videos presentadi agen qualitat a nivèu lingüistic.
- Es TikTok presentadi an d'èster sostituladi (entà assegurar un major rigor lingüistic eth tèxte s'aurà de hèr arribar ath Departament de Lengua deth Conselh Generau d'Aran a trauès deth mail [lengua@aran.org](mailto:lengua@aran.org) entara sua revision).
- Tanben cau que siguen coerents e difonen valors positives.
- Er estil ei liure: pòt inclúdir-se umor, interpretacion musicau (balh, cant, efèctes especiaus, màgia) e quinsevolh auta propòsta que fomente era creativitat.



- Non s'admeteràn videos ofensius o qu'atempten contra es drets de tresaus personas o collectius.
- Non s'admeteràn videos creadi damb Intelligéncia Artificial (IA).
- Eth participant manifèste compdar damb es autorizacions pertinentes de personas o entitats propietarias de dret sus es diferenti elements qu'apareishen ena òbra presentada: musica, imatges, grafisme, etc.

## 6. Jurat e seleccion des TicTòc ganhadors:

Eth jurat serà compausat per personas der encastre audiovisuau e culturau. S'avalorarà er atractiu deth video en sòn conjunt, autan ena forma coma en contengut, auent en compde era originalitat, creativitat, claretat e interès deth messatge.

Era composicion deth jurat e eth sòn veredicte se haràn a conéisher en ua serada de liurament de prèmis enes dies propèrs ara Hèsta d'Aran (17 de junh), laguens des actes corresponents ara sua celebracion. En cas de qu'es ganhadors/es des prèmis non poguen assistir tad aguesta serada de liurament de prèmis, auràn de cercar a quauquarrés que pogue representar-les e recuelher eth prèmi.

## 7. Prèmis:

- S'establirà 3 prèmis tàs videos mès avaloradi peth Jurat en cada categoria e se tieràn en compde es següents requisits:
  - Categoria A e B, Individuau:
    - 1èr Prèmi: 400 €
    - 2au Prèmi: 200 €
    - Dus Accèssits: 100 €
  - Categoria A e B, Grops:
    - 1èr Prèmi: 600 €
    - 2au Prèmi: 300 €
    - Dus Accèssits: 150 €
- Eth veredicte deth Jurat ei inapellable. Eth jurat pòt declarar desèrt quinsevolh des prèmis se considèra qu'ès òbres presentades non son pro meritòries.
- Eth jurat pòt declarar dus ganhadors/es *ex aequo* s'atau ac considèra. En aguest cas, eth prèmi economic assignat s'aurà de repartir entre es dus ganhadors/es.

## 8. Difusion

Un còp verificat qu'eth video complís es bases s'anaràn penjant en perfil oficiau @tiktoc.aranes e s'utilizarà eth hashtag o etiqueta #parlamaranéstostemp e s'etiquetarà ar autor/es.

Eth Conselh Generau d'Aran poderà exhibir es cuertmetratges seleccionadi enes lòcs e oraris que considèra oportuns e en Internet, respectant tostemp era autoria. Tanben se'n poderà hèr difusion enes mieis de comunicacion.

## 9. Pagament des prèmis

Eth pagament deth prèmi se realizarà mejançant transferéncia bancària ath numèro de compte qu'es personas ganhadores, totores o representantes legaus designen en formulari qu'obligatòriament s'aurà d'aumplir e liurar, validat pera entitat bancària, ara organizacion deth concurs. As prèmis superiors a 300 € se les aplicaràn es retencions fiscaus en vigor.